

uprave Grad Sarajevo, a u cilju povećavanja transparentnosti rada organa uprave Grada Sarajeva.

**Član 3.**

Registri iz člana 2. Ovog Sporazuma sadržavat će podatke o zaposlenim licima, imenovanim licima i javnim nabavkama koje provodi organ uprave Grad Sarajevo. Svrha uspostavljanja ovih registara je prevencija zloupotrebe u zapošljavanju, prevencija mogućih pojava sukoba interesa i prevencija mogućih nezakonitosti ili nestvrsishodnosti u postupcima provođenja javnih nabavki u organu uprave Gradu Sarajevo.

**Član 4.**

Registri iz člana 2. Ovog Sporazuma će biti dio Informativnog sistema Ureda za borbu protiv korupcije i upravljanje kvalitetom Kantona Sarajevo, a podaci iz registara javno će biti objavljeni i dostupni i moći će se vidjeti na stranici [www.anticorruptiks.com](http://www.anticorruptiks.com).

**Član 5.**

Ured za borbu protiv korupcije i upravljanje kvalitetom Kantona Sarajevo će pružiti stručnu i tehničku pomoć u implementaciji uspostave registara iz člana 2. Ovog Sporazuma i iste će voditi u svom Informativnom sistemu, dok će za neposredni unos podataka biti zadužena ovlaštena lica/zaposlenici Grada Sarajeva.

**Član 6.**

Ovaj sporazum stupa na snagu nakon davanja saglasnosti na isti od strane Gradskog vijeća Grada Sarajeva.

**Član 7.**

Ovaj sporazum je sačinjen u šest istovjetnih primjeraka, od kojih svaka od sporazumnih strana zadržava po tri primjerka.

<p>Broj 01/04-04-1683/21 14. aprila 2021. godine Grad Sarajevo Gradonačelnica Sarajeva Doc. dr. <b>Benjamina Karić</b>, s. r.</p>	<p>Broj 20-04-17834/21 14. aprila 2021. godine Ured za borbu protiv korupcije i upravljanje kvalitetom Kantona Sarajevo Šef Ureda Dr. <b>Erduan Kafedžić</b>, s. r.</p>
---------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćen tekst), Gradsko vijeće Grada Sarajeva, na Drugoj sjednici održanoj dana 02.06.2021. godine, donijelo je

**ODLUKU  
O UTVRĐIVANJU POSEBNOG ZNAČAJA ZA GRAD  
SARAJEVO UDRUŽENJA "OBRAZOVANJE GRADI  
BOSNU I HERCEGOVINU"**

**Član 1.**

Ovom Odlukom utvrđuje se da je Udruženje "Obrazovanje gradi Bosnu i Hercegovinu" (u daljnjem tekstu: Udruženje "Obrazovanje gradi BiH") od posebnog značaja za Grad Sarajevo, kao organizacija koja svojim djelovanjem doprinosi afirmaciji Grada Sarajeva kroz projekte obrazovanja mladih, razvoja omladinskog volonterizma, aktivizma te stvara pozitivan efekat u zajednici.

**Član 2.**

Djelatnosti Udruženja "Obrazovanje gradi BiH" se sufinansiraju iz sredstava Budžeta Grada Sarajeva sa pozicije: Primjena Odluke o utvrđivanju posebnog značaja za Grad Sarajevo Udruženja "Obrazovanje gradi Bosnu i Hercegovinu"

**Član 3.**

Sufinansiranje, iz člana 2. Odluke vrši se na osnovu evaluacije dokumentacije i odgovarajućeg zahtjeva koje Udruženje "Obrazovanje gradi BiH" dostavlja gradonačelniku/ci Grada Sarajeva, najkasnije do 30. septembra tekuće godine, radi utvrđivanja prijedloga iznosa namjenskih sredstava za narednu budžetsku godinu.

Dokumentacija iz stava 1. ovog člana podrazumijeva procjene i pokazatelje kako slijedi:

1. prijedlog godišnjeg plana rada-programa, uključujući plan troškova;
2. uticaj ponuđenih programa na obrazovanje djece i mladih iz kategorija porodica žrtava rata, osoba sa invaliditetom, pripadnika manjinskih grupa, socijalno ugroženih i sl. u gradu Sarajevu;
3. uticaj ponuđenih programa na formalno i neformalno obrazovanje, psihosocijalnu zaštitu i rješavanje egzistencijalnih pitanja korisnika;
4. finansijski izvještaj o utrošku sredstva odobrenih u prethodnoj godini.

**Član 4.**

Nadzor nad provedbom Odluke vrši gradonačelnik/ca Grada Sarajeva, putem nadležne Službe.

**Član 5.**

Izmjene i dopune Odluke vrše se na način i po postupku za njeno donošenje.

**Član 6.**

Odluka stupa na snagu narednog dana od dana objavljivanja u "Službenim novinama Kantona Sarajevo".

<p>Broj 01-GV-02-578/21 02. marta 2021. godine Sarajevo</p>	<p>Predsjedavajući Gradskog vijeća <b>Jasmin Ademović</b>, s. r.</p>
---------------------------------------------------------------------	------------------------------------------------------------------------------

**OPĆINA CENTAR  
Općinsko vijeće**

Na osnovu čl. 36. i 37. Zakona o budžetima u Federaciji BiH ("Službene novine Federacije BiH", broj 102/13, 9/14, 13/14, 8/15, 9/15, 102/15, 104/16, 5/18, 11/19, 99/19), te čl. 10. i 68. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je, na 6. redovnoj sjednici održanoj 08.06.2021. godine, donijelo

**IZMJENE I DOPUNE BUDŽETA  
OPĆINE CENTAR SARAJEVO ZA 2021. GODINU  
I. OPŠTI DIO**

**Član 1.**

U Budžetu Općine Centar Sarajevo za 2021. godinu ("Službene novine Kantona Sarajevo", broj 10/21) član 1. mijenja se i glasi:

"Budžet Općine Centar Sarajevo za 2021. godinu sastoji se od:

- |                                    |               |
|------------------------------------|---------------|
| A. PRIHODI, PRIMICI I FINANSIRANJE | KM 56.100.000 |
| B. RASHODI, IZDACI I FINANSIRANJE  | KM 56.100.000 |
| C. VIŠAK/MANJAK                    | 0             |

**Član 2.**

U članu 2. tabela "Račun prihoda, primitaka i finansiranja" i tabela "Račun rashoda, izdataka i finansiranja" mijenjaju se i glase: